



12- ed 13avel on da scoula

Scolars da la scoula speciala han la pussibiltà da's preparar intenziunadamaing davo il temp da scoula obligatoric cun ün fin duos ulteriurs ons scolastics per la tscherna da professiun o per la müdada in üna instituziun per creschüts. Las scolaras e'ls scolars vegnan scolats tenor lur abiltats obain illa classa da tscherna da professiun obain illa classa d'integraziun professiunala.

La spüerta

Classa da tscherna da professiun

Illa classa da tscherna da professiun han ils giuvenils la pussibiltà d'absolver minch'eivna ün di d'insaj ill'economia da marchà liber o in instituziuns. L'ulteriur program da l'eivna cumpiglia dis da scoula, ün di d'economia chasana ed ün di da manster. La frequentaziun da la classa da tscherna da professiun d'ürant duos ons vegn racumandada, uschè cha'ls giuvenils dispuonan da temp sufficiant per ün approfondimaint intenziunà e solid da la tscherna da professiun e da la tschercha d'ün giarsunadi.

Classa d'integraziun professiunala

Illa classa d'integraziun professiunala vegnan instruits plü suvent roms da fuormaziun generala e per la vita pratica. L'accent vain miss sün la plü gronda independenza, perseveranza e respunsabiltà pussibla. Ila classa da tscherna da professiun sco eir illa classa d'integraziun professiunala güda la magistraglia a chattar soluziuns da cuntinuaziun sco giarsunadi e scoula professiunala o üna instituziun adattada.

Chi?

Quistas spüertas as drizzan a scolaras e scolars chi han il dret da la finanziaziun per üna prolungaziun scolastica speciala. La cussagliaziun professiunala da la sgüranza d'invalidità accumpogna a scolaras e scolars d'ürant quists ons scolastics cuntinuants. Ils giuvenils han ultra da quai la pussibiltà d'abitar internamaing in üna gruppa da giuvenils.

Co?

Scolaras e scolars cun üna disposiziun da scoula speciala han la pussibiltà d'absolver üna fin duos eivnas d'insaj illa classa da tscherna da professiun o illa classa d'integraziun professiunala.



CONTACT

In cas da dumondas e d'interess infuorman gugent la direcziun da scoula o il secretariat
081 650 11 16 (direcziun da scoula)
081 650 11 11 (secretariat)